

## Yeshua: e Spiritu di Dios!!!

Awor Felipe a buska i haña Natanaèl i a bis'é: "Nos a haña Esun di Kende Moisés a skirbi den e Lei i di Kende e Profetanan tambe a skirbi. Ta Yeshua; Jesus di Nazarèt, yu di José." (Juan 1:45).

**Yeshua; Jesus di Nazarèt: e Lei di Dios Tata!!!.**

Awor SEÑOR a papia ku Moisés, bisando: "Mira, Mi a yama Bezaleel, yu hòmber di Uri, yu hòmber di Hur, di e Tribu di Juda, pa nòmber. I Mi a yen'é ku e Spiritu di Dios den Sabiduria, den Komprendementu, den Konosementu i den tur sorto di obra, pa traha diseñonan pa obra di oro, di plata i di bròns, i pa kòrta piedra pa montura, pa graba den palu, pa e traha den tur sorto di obra. (Éksodo 31:1-5).

**Yeshua; Jesus di Nazarèt: di Kende e Profetanan di Dios Tata tambe a skirbi!!!.**

I ora ku e yunan di Israel a sklama na SEÑOR, SEÑOR a lanta un Libertador pa e yunan di Israel pa libra nan, esta, Otoniel, yu hòmber di Kenas, Kalèb su ruman hòmber mas chikitu. I e Spiritu di SEÑOR a bin riba djé, i el a huzga Israel. Ora ku el a sali bai guera, SEÑOR a entregá Kusan risataim, rei di Mesopotamia, den su man, asina ku el a Prevalesé kontra Kusan risataim. (Huesnan 3:9-10). E Spiritu di Señor DIOS ta riba mi, pasobra SEÑOR a Ungimi pa hiba Bon Nobo na esnan aflagí; El a mandami pa kura hende di kurason kibrá, pa proklamá Libertat na katibunan, i Libertat na prezonan, pa proklamá e aña agradabel di SEÑOR, i e dia di vengansa di nos Dios; pa konsolá tur esnan ku ta yora, pa duna esnan ku ta yora na Sion un Korona di bunitesa na lugá di shinishi, Zeta di Alegria na lugá di yoramentu, un Mantel di Alabansa na lugá di un spiritu di desesperashon. Asina nan lo wòrdu yamá "Eiknan di Hustisia", e plantashon di SEÑOR, pa E wòrdu Glorifiká. (Isaias 61:1-3).

**Ta kon Felipe por bisa: "Nos a haña Esun di Kende Moisés a skirbi den e Lei i di Kende e Profetanan tambe a skirbi. Ta Yeshua; Jesus di Nazarèt, yu di José."**

**Felipe por bisa esaki pasobra:**

- Yeshua ta e Spiritu di Dios.
- Yeshua ta di e Tribu di Juda.
- Yeshua ta e Sabiduria.
- Yeshua ta e Komprendementu.
- Yeshua ta e Konosementu.
- Yeshua ta e Libertador.
- Yeshua ta e Ungi.
- Yeshua ta e Bon Nobo.
- Yeshua ta e Libertat.
- Yeshua ta e Zeta di Alegria.
- Yeshua ta e Korona di Bunitesa.
- Yeshua ta e Mantel di Alabansa.
- Yeshua ta e Spiritu di SEÑOR.

**Ta pa e motibu aki Yeshua a bisa:**"pasobra si boso a kere Moises, boso lo a kere Ami tambe; ta di Ami Moises a skirbi den e Lei" (Juan 5:46).

**4 ougùstùs 2019**

**Sea Bendishoná ku e Amor di Dios Tata; Yeshua Mesias**

**Un Fiel Sirbidó di Dios,**

**Remsly L Riley**